



Universitätsbibliothek Paderborn

**Veri & Pii Sacerdotis Idea Seu Vita R. D. Iacobi
Merlo-Horstii, Pastoris B. Mariæ Virginis In Pascvlo
Coloniæ, SS. Theol. Licent.**

Crombach, Hermann

Coloniæ, 1645

Caput 29. Egregia documenta, quae familiari sacris initiando dedit, & varia
eius praeclara facta & dicta.

urn:nbn:de:hbz:466:1-14591

tu manaret vberrimus : depositus adi-
gnem sex ipsas horas quasi cum morte
colluctari videbatur , Medico protinus
vocato : sed qui parum leniret tantos do-
loris aculeos : elapsis sex horis cùm pau-
lulùm remitteret inclemensia morbi ,
gaudere visus est , & ridente facie con-
uersus ad adstantes , ait : *Quàm bonus*
est Dominus : ecce quàm hoc die mihi pre-
tiosam strenam offerre dignatus est , vt par-
ticeps fierem doloris , quem nostrâ causâ per-
tulit : Interim nullum vel gemitum ,
vel animi impatientis leuissimum tota æ-
grotatione signum edidit : immò sum-
mis in beneficijs habuit , Circumcisio Do-
mino compati: nam si compatimur , & con-
regnabimus.

C A P V T XXIX.

Egregia documenta , quæ familiari sacris ini-
tiando dedit , & varia eius præclara
facta & dicta.

Debetur hoc Caput & præcedens
R. D. Wilhelmo Römer Virsensi,
Vicario B. Virginis Dolorosæ in Scheib-
bahn

bahn, inferioris Dioecesis Coloniensis: hunc D. Iacobus, cum Philippus germanus eius Societatis Iesu tyrocinium adiisset, puerum bonâ parentum veniâ Coloniâ An. 1629. euocatum nouem continuis annis domi suæ nutriuit, in studijs fouit & educauit, donec emenso cursu Philosophico paulatim ad sacros recipiendos Ordines aptus euaderet. Is lectâ eius vitâ, non solum eam suo calculo confirmauit; sed complura desiderauit in ea, quæ litteris consignauit, ut insererentur: eorum pleraque P. Florentius Carthusianus frater suo testimonio comprobavit, qui eodem ferè tempore domum Pastoralem incoluit.

Putat D. Wilhelmus Jacobum & innocentiam & castitatem illibata conservasse: arguento ei fuit, quod ita horruerit leviora peccata, puta mendacium, vt iacte cum alios mendacijs conuictos corripere, assueratè diceret: *nunquam se auunculo, nunquam vlli Praeceptorum imposuisse, nunquam admissi in vita mendacijs recordari:* itaque domesticos omnes cupiebat à mendacijs quam maximè abhorre, dicere solitus, *Confidenti ingenuè cul-*

pam, libenter ignosco, negantem & mentientem ferre prorsus nequeo: In adolescente nihil ita detestor, ut mendacium. Præterea domesticos ad pietatem cùm excitaret, sæpe repetebat: Studiosum pium & indoctum longè pluris facio & diligo, quam doctum & impium.

Cùm Aspricollensem peregrinationem circa Annum 1637. vel sequentem obiret, usus est hoc ipso Wilhelmo comite, qui tria notauit memoriâ digna: primò quoties transibat vel intrabat pagum vel alium locum, Ecclesiam petebat, & Christum in augustissimo Sacramento venerabatur: deinde nunquam in itinere neglexit sacrificium Missæ, superatis omnibus occurrentibus impedimentis, licet aliquando totam horam à via Sacri legendi gratiâ deflectendum esset: tertio delapsum è curru casu Breuiarium erat & amissum, sub vesperum id primum aduerit: ilicò Wilhelmum ad domum Pastoris vicini misit, ut aliud commodatò acciperet: sed Curio tunc aberat domo, nec ancilla subministrare poterat: quo comperto vehementer doluit: nec tristitiam celare vultu vel verbis potuit; dicebat enim:

Heg

Heu diem hodiernum perdidī, quo non licet integrum pensum horariorum persoluere: primūm hoc mihi in omni vita contigit, confido & ultimum fore. Compensauit deinde multis alijs precibus hunc inculpatum etiam defectum.

Idem testatur, nec morbi tempore, cùm niti pedibus potuit, à Sacro faciendo abstinuisse: sed foribus clausis solo præsente ministro factitasse, ne ullo se die tam uberi fonte gratiæ spoliaret; ut melius Angelicam seruaret castitatem, ac in dies biberet *Vinum germinans Virgines*: virginitatis etiam amore, nullius vtebatur mulieris familiaritate, nullam in cubile suum admittebat, præfixâ ei hâc epigraphe: *Mulierum pedes huc non intranto: letum sibi ipsi sternere solitus erat.* Sobrietatem vehementer amavit, vilibus & paucis contentus cibis, horrebat ut pestem ebrietatem: ideo è conuiuijs, quando per honestatem & inuitantium auctoritatem abesse non licebat, maturè se subducebat. Contigit aliquando, cùm ad secundum missum poculis certare præsentes occiperent, ipse Wilhelmo monito, qui aderat: *Heus, ait, arripe pallium, fu-*

giamus hinc. Nec tunc quidem salutato hospite inde se proripuit, malebat enim incivilitatis argui, quam sobrietatis minimam iacturam facere. Eundem D. Wilhelmum iam initiatum Sacerdotio documentis saluberrimis instituit, ut tali statui congruentem vitam degeret.

Principio monebat, ut indies Sacerdotalis Ordinis dignitatem, finem, obligationemq; diligenter expenderet.

2. Ut, quæ munera impositi magnitudine requirit, seruaret accuratè.

3. Sciret creatum se, ut soli Deo seruiret, caueret igitur sedulò, ne diuinam Majestatem vñquam peccato grauiore offendere.

3. Sic vitam institueret, ut quotidie dignè Sacris operaretur: nec ab ea pia consuetudine deduci se vñquam pateretur.

4. Caueret sacrum Missæ officium obiter & perfunctoriè dicere: vitaret in eam nimiam celeritatem, quam tarditatem, modum seruaret propriæ pietati, & acceptæ instructioni à se congruum.

6. Horarum recitationem nunquam negligeret, in ea tedium fastidiumq; vitaret, sciretq; ob earum omissionem vi-

ros

ros magnæ dignitatis statim in enormia
prolapsos esse scelera : crederet sibi ex-
perto quibusdam sibi notis vnicam fuis-
se ad ruinam viam officij diuini negle-
ctionem.

7. Scopulum Ecclesiasticorum ebrie-
tatem fugeret, sectaretur sobrietatem.

8. Mulierum consortia sollicitè deui-
taret : nec in familiam suam ullam , nisi
fortè sororem adscisceret : id si fieri ne-
quiret, suadebat solus ut habitaret.

9. Pauperibus pro viribus conaretur
subuenire ; alios etiam , quibus posset
modis , ad eleemosynæ largitionem in-
uitaret.

10. Ante Sacrum diligenter examina-
ret conscientiam : illud summoperè ca-
uendo , ne peccati mortalis reus diuina
tractaret mysteria , vitaret illiberalē &
mercenariū animū eorum, qui sordi-
di quæstus gratia , solo inuitati stipendio
tremenda Sacra peragunt : fugeret etiam
eorum morem , quorum nimiam deplo-
rabat multitudinem , qui nulla prævia
animi præparatione , sola consuetudine
ducti , Sacrum legunt : quin potius antè
quid acturus esset , expenderet sedulò :
tum ageret, quod agit. F 4 II.

11. Sanctissimam Dei Genitricem Virginem Mariam quotidie pr̄cipuo affectu ac pietate coleret, eiusdem laudes ac praecaria, quoties posset, pr̄dicaret, captaret occasionem alios ad cultum Deiparæ inflammanti, & in ritu ac modo colendi diligenter instrueret.

12. Detestaretur avaritiam, & nimiam habendi cupiditatem: seruaret Scripturæ monitum: *Beatus est dare, quam accipere.*

13. Denique iubebat eum his similia colligere & adnotare, quæ utilia & necessaria viderentur ad Sacerdotalem statum iuxta scopum & obligationem eius piè dignèq; transigendum.

Hilce monitis pium formabat Sacerdotem, quæ magis è spiritu suo & propriâ viuendi ratione ac experientiâ, quam libris hauriebat: nec desinebat alios, quos poterat, ad viuendum statui suo conuenienter excitare: proprium enim est virorum Dei amantium, non propriâ perfectione contentos esse, nisi alios etiam ad amorem Dei salutisq; curam pelleverint. Et sane, si unicusque Deus mandauit de proximo suo, quanto magis de familiari-

bus

bus & domesticis suis? Si quis autem, ait
Apostolus, suorum & maximè domestico-
rum curam non habet, fidem negavit, & est
infideli deterior. Itaque sicut fratres ad sta-
tum Religiosum, sic hunc familiarem
suum annis nouem ad Ecclesiasticum sta-
tum imbuuit.

C A P V T XXX.

Lucta cum Dæmone diurna & victrix.

VT coronaret Patriarcham Iacobum
Deus, & nomen Israëlis imponeret,
certamen forte dedit, ut vinceret, non oc-
cumberet; luctatus enim cum Angelo vi-
vit, & gratiâ cœlesti copiose donatus,
deinceps nec Fratris iram, nec hominis
pertimuit potentiam. Ita diuina maiestas
etiam forte certamen cum Dæmone Iaco-
bo nostro permisit, ut vinceret, & dein-
ceps Deo nixus, nullam in Dei causâ me-
tueret, hominis cuiusuis excellentiam.
Non poterat humani generis hostis iura-
tissimus ferre fructum, quem in lucran-
dis animabus, & è seruitute Diabolica
vindicandis Iacobus proferebat; ita saga-
rum operâ maleficium illi sæpiùs intenta-
uit, quod diuina clementia sic auertit qui-

F 5

dem,